



Inatsisartunut ilaasortaq Jens B. Frederiksen, Demokraatit
Inatsisartut
/MAANI

Makrellinik misileraalluni aalisarneq pillugu § 37 naapertorlugu apeqquteqaammut
2013-165-imut akissuteqaat

Inatsisartut Suleriaasianni § 37, imm. 1 naapertorlugu apeqquteqaammik
saqqummiussaqarputit, Kitaani misileraalluni makrellinik aalisarnissaq pillugu
kaammattuu Naalakkersuisunit malinneqarsimanersut, Pinngortitaleriffiup
misileraallunilu aalisartut nalunaarusiami kaammattuutigisaattut. Apeqqutit uannut
akissassangorlugit innersuussutigineqarsimapput.

Apeqqut:

Ilaatigut makrellinik misileraalluni aalisarneq pillugu nalunaarusiami, Aalisarnermut,
Piniarnermut Nunalerinermullu Naalakkersuisoqarfiup januarip qaammataani 2013-imi
pissarsiarisaani, Kitaani misileraalluni makrellinik aalisartoqarnissaa
kaammattuutigineqarpoq, makreleqatigiit immikkoortut suminngaanneernerisa
paasineqarnissaat siunertaralugu. Siunissami makrelit pillugit nunat tamalaat akornanni
Kalaallit Nunaata isumaqatigiinniarnissaanut aalisakkap suminngaanneernerera
annertuumik sunniuteqarsinnaavoq. 2013-imi kaammattuutigineqartup
Naalakkersuisunit malinneqannginnera ilumoorpa, taamaassimappallu Naalakkersuisut
kaammattuutigineqartoq 2014-imi malinnialersaarnerlugu?

Akissut:

Ilumoopoq, maannakkugallartoq taamaallaat Tunumi misileraalluni makrellinik
aalisarnissamut akuersissuteqartoqarmat. Naalakkersuisoqarfiup eqqumaffigilluarpa
Kitaani makrellinik aalisarnissaq pillugu nalunaarusiap kaammattuutaa, pingaartumik
makrelit suminngaanneernerat qulaarniarlugu iluaqutaasussaq. Naalakkersuisoqarfiup
qinnuteqaateqareernikkut misileraalluni makrellinik aalisartoqarnissaa
akuersissuteqarfigaa, taakkualu taamaallaat Tunuinnarmut tunngassuteqartinneqarput.
Ukiumut aalisarfiusumut 2014-imut Kitaani misileraalluni aalisarnissaq pillugu
qinnuteqaateqartoqassagaluarpat, Naalakkersuisoqarfik tamatumunnga
akuersaarinnilluassaaq.

Misileraalluni makrellinik aalisarneq Pinngortitaleriffik suleqatigalugu ingerlanneqarpoq.
Tamatuma ilaatigut kinguneraa, aalisarnermi peqatassut umiarsuaateqartut
pisussaaffilerneqarsimammata pisanik misissugassanik Pinngortitaleriffimmi
misissqqissaagassanik immikkoortitsisarnissaat. Taamatut misissueqqissaarnermi
sulineq suli ingerlanneqarpoq, Pinngortitaleriffiulli nalunaarutigaa, maannakkorpiaq
annertuumik ilimasutigalugu, makrelit Tunumi aalisarneqartut atlantikup avannaata
kangianeersuusut.

Inussiarnersumik Inuulluaqqusillunga

Karl Lyberth